

www.BibleForChildren.org

उत्पत्ती 3



आदम तान बायकुन नाव हवा मिल्यो;
काहाकाय जोला माणहे जिवताला हेते ता
आखान वेगाली आहख तिच बोणनी।



यहोवा बोगवान जोला जेंगली जेनवार
बाणायेल इतो, ता आखाम रेन गेयडेक लाबाड
इतो; एने तो बायकुह केयो, "काय खेरीच
बोगवान तुमूह कियेल हे, काय तुमू ज्या
बोगिचान काल्लाच बी जाडान
फोल मा खाहो?"



तेवी बायकु गेयडेकाह
जापाप आपी, "आमु ज्या
बोगिचान जाडान फोल
खाय सेकतेह। पुण जो जाड
बोगिचान विची माय हे, तान फोलान बाराम बोगवान
कियेल हे काय तुमू तान फोल मा खाहो एने ताह
आथेलहो बी मा, नाह ते मोर जाहो।"



तेवी गेयडेक बायकुह
केयो, "तुमू खेरीच नाय
मुरहो, काहाकाय बोगवानाह
सोता मालुम हे काय जेदिह
तुमू ता जाडान फोल खाहो तेदिहच तुमरा डोला उगडी
जाती, एने तुमू हाजो बाकतान इकेल सापडावीन
बोगवानान बाराबोर बोण जाहो।"



तेवी बायकु देखी काय फोल खाणेन केरता हाजो हे, एने देखाणेम बी हाजो हे, एने इकेल आपण्यो हे, तेवी ती ताह तोडीन खादी; एने तीन एदम्याह बी आपी, एने तो बी ताह खादो। तेवी ता दुयान डोला उगडी गीया, एने ताह मालुम पोडनो काय ता नांगेरलाच हेते; ता माय ता अंजीरान डाले हिवीन सेरीराह वेटाल लेदा।





तेवी यहोवा बोगवान आदामाह आयडीन फुशो,
"तु का हे?" तो केयो, "मी तारो आवाज बोगिशाम होमलीन बिय गीयो,
काहाकाय मी नांगरलोच इतो; केरीन लिकाय गीयो।" यहोवा बोगवान
केयो, "तुवाह कुण केयो काय तु नांगरलोच हे? जा जाडान फोल
तुवाह खाणेन मोना किरेल इतो, काय तु तान फोल खाईल हे?"



आदम केयो, "जी बायकुह तु मार हेरी रेणेन आपेल हे तीच ता
जाडान फोल माहु आपी, एने मी खादो।" तेवी यहोवा
बोगवान बायकुह केयो, "तु ज्य काय किरेल हे?"
बायकु केयी, "गेयडेक माहु फासाड देनो,
तेवी मी खादी।"





केरीन यहोवा बोगवान ताह अदन बोगिशाम रेन
काढ दिनो काय तो ती बुई पोर खेती केरी जी
माय रेन तो बाणाय जाईल इतो।




केरीन आदामाह बोगवान तारेन काड़ दिनो, एने
जीवणान जाड़ान वाटीन राखवाली केरनेन
केरता अदन बोगिचान पुर्व उगे करूबाह,
एने चारो चोमखेर फिरणार आकठान
तालवारीह बी मेल दिनो।




जेवी आदम तान बायकु हवान आहने गीयो तेवी तीह दिह रेना, ती केनाह जेलमो देनी एने केयी, "मी यहोवा बोगवानान गीण माय एक सोराह जेलमो दियेल हे।" पोशी ती तान बायाख हाबिलाह बी जेलमो देनी। एने हाबिल मेंड्रान गोवाल बोण गीयो, एने केन बुई पोर खेती केरनार किरसाण बुणनो।



थोड़ाक दिह्यान पासाण केन यहोवा बोगवाना फाय खेतान कामाय
माय रेन थोड़ोक बेट लेन आवो। एने हाबिल बी तान मेंड्रान थोड़ाक
पेल्ला पिलाह बेट चेढावणे केरता लेन आवो एने तान
हाजो बाग बेट चेड़ायो; तेवी यहोवा बोगवान तान
बेट ते मान लिदो, पुण केन एने तान बेटीह तो नाह
मान्यो। तेवी केन जुलूम रागाय गीयो,
एने तो नाराज एय गीयो।



तेवी केन तान बायाख हाबिलाह काह केयो; जेवी ता खेताम एता,
तेवी केन हाबिला पोर रागाईन तान खुन किर दिनो।



तेवी बोगवान केनाह फुशो, "तारो बाहख हाबिल का हे?" तो ताह केयो, "माहु काय मालुम; मी काय तान गोवाल हे?" ओवतो केन बोगवानान सोमोर रेन निकली गीयो, एने अदन ने पुर्व उगे हे, नोद नावान देसाम जाईन रेणे बाज गीयो।



आदम पुशो तान बायकुन आहने गीयो; एने ती एक सोराह जेलमो देनी
एने तान नाव ज्य किन शेत मिल्यो : काय "बोगवान माहु
हाबिलान बोदले जाह केन मार दियेल इतो। केरीन
दिहरो बिटोख पुशो आपेल हे।"



एने शेत जेल्मान पासाण आदम आठ होव वोरह्या वोर जीवनो, एने तान उंजु बी बेटा बेट्यु पायदा एना। इहकेरीन आदम ने आखीच वोय नोव होव तीस वोरह्यान एनी; तान पासाण तो मोर गीयो।



बोगवान दिख्यो काय देरती पोर माणहान बुराय वोद
जाईल हे, एने तान मोनान विचार माय जो काय
निकलेह तो जेलेम खाराबुच रिथे, केरीन बोगवान
देरती पोर माणहाह बाणावीन पासतानो, एने
तो मोना माय जुलूम दुखी इनो, तेवी
बोगवान केयो, . . .



... "मी माणहाह जाह मी बाणायेल हे देरती पोर रेन
खेतेम केर देह, काय माणहे, काय जेनवारे, काय
लोलनारे जेन्तु, काय जुगाम उडनारे चिडा,
आखाह खेतेम केर देह, काहाकाय मी ताह
बाणावीन पासताथु।"



पुण बोगवानान गीणीन निजेर नुहा पोर एती।नुहान शेम,
हाम, एने येपेत नावान तीन सोरा पायदा एना।



काहाकाय बोगवान दुनियाह ओहलो मोंग
किऱ्यो काय तो तान एकुस मोंगाल्ला बेटाख
आप दिनो, काहाकाय जो कुण ता पोर बुरहो
केरी तो खेतेम नाय एय, पुण जेलेमक्यो
जीवाय सापडावी।



रोमीयो 3:23 ज्यानकेरता काय आखा माणहे पाप किरेल हेते एने
बोगवानान बोडायीह रेन सेटा हेते,

रोमीयो 6:23 काहाकाय पापान मोंजरी ते मोत हे, पुण बोगवानान गीणीन
वरदान आपणो मालीक मसी यीशु माय जेलेमक्यी जीवाय हे।

इब्रानियो 9:27 एने जिहकेरीन माणहान केरता एक वार मोरनु एने तान
पासाण नियाव ठेरायेल हे,

इफिसीयो 2:8,9 काहाकाय बोरहान द्वारे गीण केरीस ने तुमूह सुटकारो
जुडेल हे, एने ज्यो तुमरी उगे रेन नाह, पुण बोगवानान दान हे;
एने नाह कामान कारेण, ओहलो नाय एय काय कुण बी मोठाय केरी।

रोमीयो 10:9,10 काय केदी तु तारा मुया केरीन यीशुह मालीक जाणीन
कबुल किरहे, एने तारा मोना केरीन बुरहो केरी काय बोगवान ताह मुरेल
माय रेन जीवाड्यो, ताहार तारो सुटकारो एय। काहाकाय देरमीपोणान
केरता मोन से बुरहो केराय जाथे, एने सुटकारान केरता मुया केरीन कबुल
केराय जाथे।



योहान 3:16,17 काहाकाय बोगवान दुनियाह ओहलो मोंग किऱ्यो काय तो तान एकुस मोंगाल्ला बेटाख आप दिनो, काहाकाय जो कुण ता पोर बुरहो केरी तो खेतेम नाय एय, पुण जेलेमक्यो जीवाय सापडावी। बोगवान तान बेटाख दुनिया माय ज्यानकेरता नाह मुकल्यो काय दुनियान नियाव केरी, पुण ज्यानकेरता काय दुनियाह तान उगे रेन सुटकारो जुडी।

1 योहान 5:11-13 एने ती गोवाय ज्यीच हे काय बोगवान आपुह जेलेमक्यी जीवाय आपेल हे, एने ज्यी जीवाय तान सोरा माय हे। जा फाय बिटोख हे, ता फाय जीवाय हे; एने जा फाय बोगवानान बिटोख नाह सुतो, ता फाय जीवाय बी नाह सोती। जेलेमक्यो जीवाय तुमरो हे एवी ज्यो तुमूह मालुम एय जायेल हे, केरीन बोगवानान बेटाख ने नावा पोर बुरहो मेलनारे तुमूह मी ज्यो लेखथु।



उत्पत्ती 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Nahali Bible (nlx) © The Word for the World International
and Nahali Vishwaseen Mandli, Toranmal, Dhadgaon,
Nandurbar, Maharashtra 2025

<https://www.bible.com/en-GB/bible/2790/MAT.1.NII2025>

©2026 Bible for Children, Inc.

www.M1914.org

www.bibleforchildren.org

